

MP Report

Namwala Constituency

2002 - 2006



HON. OMPIE NKUMBULA-LIEBENTHAL MP

INTALISHO

Ndalumba mbumwakansala mu December 27 mwaka wa 2001. Wezu mulumbe ngwakumwizhibya shindakuchita kumyaka yosanwe.

Ndili mu nkamu ya muzhimirizhi mu Energy Environment umu Tourism Committee mbubona umu Education, Science and Technology Committee. Alimwi ndazhimirina chishi kuba wabosanwe bana Zambia munkamu ya Pan-African Parliament(PAP) alimwi ndili wa PAP Gender, Family, Youth and People Living with Disabilities Committee (Inkamu yabana, bakubushi ubantu bapona mukutalilozhizha.

Kuvwa kuciindi cakusalwa kwangu, ndacita miswaangano mu district yalo yaka zulizha shibaka shili ikumi ushitwesa shobile (2 wards) umasena aamasalilo amwaka umwi umwi ciindi comwi. Kubungana na kuswaana kwakakatazha ukaambo kamendelo ataali kabotu alimwi umasena amwi aakatazha kushikwa kuciindi camainza.

Kubula na kukatazha kwakuyanwa kwameenzhi nkukaambo kakando kamwi kakatongaukwa ukubandikwa mumiswaangano minji minji. Shiindi sha chiwezhi shavwula myaka yeno ubobo lyaba ikatazho ikando litamana chiwezhi caleta mapeezhi amwi.

Bantu kubula meenzhi akunwa, bulimi ubutebuzhi shazhoka anshi antoomwi ubuponibwashiwuzwa shabanyama shoonse shakwatilizhi mapenzhi amwi aba a shikolo shesu, shintu shiyovwa mubumi, mikwakwa mibiyabi, malwazhi ashivwubwa- shipona ulimwi ubuuzhe na busambale bwang'ombe.

Bukanze bwangu bwa Namwala mbwakuti chibe chibwezelo na chitambilo ca Zambia ca buzani bwan'gombe camashi amwi kucita kuti bantu ba Namwala baakulozha kuyana shizandishi shabumi mbuli shakulya, maanda, shakusama, bumi bubotu ulwizhibo.

Kuba umikwakwa mibotu, bweende bubotu ubusena buyovwa bweende bwa myotokala umasena aakusambalila mingwimba (filling station) ubusumpuce bwamazache aayovwa kuleta busambazhi balimi besu balakonzha kutola ambele musumpuko lwamilimo yabo iicesha bupushi. Kuyovwa kwa mali imfwulumende yesu yayovwa kuchesha shikwelete sha Zambia.

Imfwulumende yesu ninzho yaba wa yayana shesho shilozha kucita kuti Namwala abe umazache umilimo isumpula. Ndikanzile kulwisha muli chechi.

Ndapa mali kunkamu umasena amakanze alusumpuko muchooko coonse cinzhimirina mung'anda ya milawo. Mali oonse aapewa abaala kumweelwe wa K69 million. Kupa koku kumwi kakuli kwakuyovwa mukulumbula mali aachipanzha cizandwa 15% - 255 camali na lubono lupa mashi amwi ayovwa kukusumpula makanze amwi mbuli, shisobano shakuzundana, shisamwa shabaimbi (choir), bachikombelo, mabuka aanyimbo, kuzakwa kwa kubambulula kwa shikolo, maanda aba maiyi umikalo.

Alimwi ndazumyazumya bakaintu kuti balibunje bunje munzhila yakulyeendelezha bani kuti babambe tukamu tulozha kubaletela mali na lubona.

Ompie Nkumbula-Liebenthal **MP**

Namwala Constituency

18 April, 2006

Bupanduluzhi bwakwizhibya

Namwala mbusena bwamuminzhi buli bantu bazungwa na kweelezhiwa kumweelwe ushika shuulu makumi ifwuka ubutwesho 91,000. Busena bobu bulikwete muzhiminzi bwamung'anda yamilawo womwi, bwalo bwaabaulilwe mushooko shili 12 (wards) ikumi ushitwela shobile, pele kukumana kukuzandaulwa zandaulwa, shooko shimwi shobile shakazunjililwa (bona chizhibya ipapa 6 mweelwe wa shimpanga umasalilo) Inkambe ilikwete bami bone: Muchila, Mukobela, Mungaila alimwi u Nalubamba.

Mundi muzhiminzi wenu, mulimo wangu umwi ngwakumuzhiminina mung'anda yamilawo. Ing'anda ya Zambia yamilawo ichikwete bukulo bulamfwu bwakukozha kushika acino cibonwa milimo yabweedelezhi bwansana bubonwa.

Bupenzi bwesu bulateelwa mung'anda yamilawo. Ndapa mibuzho yatwaambo yakwiingula tukwatilizha, meenzi, mikwakwa, lwiyo alimwi ubulimi (mulanje chizhibya chitondezwa).

Mukululamika insebezelo ya mung'anda yamilawo, chilalanjika kuti shoonse shimpanga musalilwa bantu chishi coonse mbucibele,- kulakabikwa maanda akusebezela basale MPs. Makumi otatwe uchimpanga comwi 31 shayana kale bubotu. Mulimo uciya kumbele wakubika busena bwakusebezela musale wamunganda ya milawo mu - Namwala.

Local government

Mu Namwala mwacitwa kale kusala kwabazhiminzi bashimpanga shili shonanwe kuvwa mu 2002. Kusala kwashimpanga shobile kwakaba kaambo kakufwa kwabazhiminzi (councillors) Ba Phiri alimwi u Ba Shiloka. Kumwi kusala kwakacitwa ukaambo kakuzunka kwa musale kuya ku nkambe imwi kusala oko kumwi kwacitwa kaambo kabasale bakavwa munkamu mubaakusalilwe kuya kumkamu ilela.

Inkambe ya Namwala ilikwete makatazho mubweendelezhi bwayo pele inzhila yakumanya ipenzi na ikatazho leli ilyelele kuyanwa.

Mulimo wakupa insana shabweedelezhi kubantu busena bwa nkambe buyanzanya na kukamantanya bubambe bwamakanze aakulondola milimo. Ukutola ambele mulimo wakupa insana kubantu kuti bakonzhe kucita milimo isumpula cintu chizandishi.

Kucita kuti basale (councillor) baubaubilwe mukweenda kwabo. Mumwaka wa 2004 April ndakapa mali alo akalozha kuchesha muulo wa machinga ali ifwuka 9.

Mali aalusumpuko lwabusena bwa bantu mulimusale wamunganda yamilawo (CDF) alo ayovwa mulusumpuko lushoonto mukuchesha ipenzi lyakubula na bupuchi.

Aza mali alaabaulwa ukakamu ka Nkambe District Committee. Babo bazeezhiwa buyovwibwa kumali aza mbuli tukamu twabantu bakalibungabunga – antoomwi kulyeelele kuti kabalilembeshizhe kumfwulumende kucita kuti bayane chaabulo ku mali aza.

Mu mwaka wa 2002, kakwiina mali aza a CDF. Mali akapewa mu 2003, 2004 alimwi umu 2005 akashika K30 million, alimwi K60 million u K60 million umwi mbubana bobo buli muaka. Mali aza akayovwa milimo yalusumpuko yamakanze ishika kumakumi otatwe. Masena amwi akayovwiwa kumali aza kaali:

- Namwala Main Market K 1,740,000
- Namwala Hospital K 8,000,000

- Mbeza Womens' Club K 2,218,000
- Mangwele Basic School K 1,887,000
- Moomba Rural Health Club K 1,885,000

Ba nkamu ya CDF balizhi kubaala awa.

Meenzhi

Kuchilila ipenzhi lyakubula meenzhi lyakaba mu July 2003, mweelwe washibaka na masena aakuyana meenzhi akabikwa umasena a nkambe. ZAMSIF nikamu ya mutabi wa nfwunlumende baka vwuminina kushiwa kwa mikalo ili lusele (8) muchishi cha mwami Muchila. Mazhiba aakusha (dams) aakakufwile amwi akabambwa kabotu.

Mikwakwa

Kulomba kwa mikwakwa kwakacitwa mung'anda yamilawo (Parliament) mbuli kushimbilwa kwa mukwakwa wa Monze kushika kwa Neiko ukululamikwa kwa tukwakwa tumwi kwiingula kwamfwulumende nkwakuti kwiina mali.

Bamfwulumende balaamba ati baina makanze aakubika buzalo (bridge) amukwakwa wa ltezhi tezhi u Namwala (ku-Baanga) ukaambo kakubula mali.

Bumi na buponi

Chipatela cha nkambe ya Namwala, cilazanda shintu na shisebezho shinji shinji kucita kuti kulonzha balwazhi kubatola kushipatale shimwi kucheye. Kubuyovwi bwa ZAMSIF, mwakwaandulila balwazhi umasena amwi akoona balwazhi akazakwa na kubambwa.

Mukuyovwiwa ubeenzuma, ndakapa kuchipatelacha Namwala mali ashika ku K12 million. Masena aakushilicilwa mashoonto alimwi ubasebezhi mbashoonto. Bobo, bantu baleenda mishinzo milamfwu kuti bashilikwe. Mali akalumbulwa kuyovwa tupatela tumwi tushoonto.

Lwiiyo

Lwiiyo ncheelelo. Shikolo shilazandwa kubambululwa ukuzaka shimwi shipiya ukubika umasena momo bana mubeenda mushinzona shimpanga sha 5-7 bulamfwu kucita kuti bashice kuchikolo. Shikolo nshibalizakila bantu shilazanda luyovwo lukando kuchita kuti, bana bapenzhi baina babachiyovwa balozhe kwiiya.

Ndalumbula mali aakuyovwa mukubambuluzya ukuzasha shikolo shimwi.

Mweelwe wa mazhina ababo bakayovwiwa alayamwa kuchipepa cimwi ca (Buzunji bwatatu).

Bulimi

Chiwezhi umalwazhi shacita kuti ng'ombe shitavwula. Ba minister balanga shabulimi bashomezha ati mulimo wakukobelela ing'ombe kubulwazhi bwamfwumba umilomo wakatalikwa ulamanizhiwa.

Ndalomba cakulitakata kumfwulumende ati ing'ombe shayana musamu wakukobelelwa kwa myaka yotatwe izhiza na ili kumbele kulesha kuzhokoloka kwabulwazhi bwamfwumba umilomo.

Masena atayanwa kalwazhi alazandwa kuti kube kutumwa shivwubwa shabanyama kumashi amwi alimwi ukuti, shivwubwa shabanyama shavwula kube kusumpuka mubusena bwesu.

Mu 2002, masena ankambe akanjilwa inzala inkali. Ndakayovwa kuchita kuti mweendelezhi wa luundu loonse mumulimo wa shakulya (WORLD FOOD DIRECTORS) akakonzhe kuswaya ku-Baambwe kuti akalibonene mwimi. Kwaambaulwa kwashilyo kwaka zunijililwa. Mu 2005 twakanjililwa inzala alimwi, ubobo ndakasebeza cakuti njane cakulya kuvwa kuli Vice President. Kumatonganshi akaba kaambo kakutalima kabotu ukutatebula kabotu kaambo kakumuka kutola shiyovwa bulimi mbuli imbuto ufatalaiza (chitunzha shilimwa).

Bweende bwa makani

Kutalulama kwanzhila yakutambula makani kwaba shikumwanya makani na twambo twachishi, bweende bwatwaambo twachishi, nchitu cimwi chizanda kulanjishiwa. Ndacheenzelezha ba Minister balanga shabweende bwa makani (information) kuti ku-Namwala kube chipekupeku cha chishi ZNBC. Nikuba kuti Ba CELTEL kabakwete bukanze bwabo, abo ndakabakombelezha kuti babe mu Namwala, bwize bwabo ndusumpuko lutambulika.

Ndisumanene kubona kuti, caakukonzheka, kube busena bwabashichishi bwakumwaya makani (radio station) bwalo bukonzha kuzulizha lwizhibo lwamakani aalusumpuko ubulyeendelezhe babantu beni lwabo.

Gender

Kutashoma na kunyansha bakaintu ubana ubakubushi cintu cipenzha umonzo. Mumiswaangano ndazumyazumya bakaintu kwaamba kuti babambe tukamu twamilimo iletela impindu. Mukupa insana bakaintu, ndayovwa kusanga na kweenga mali na shintu shimwi shilozha kuyovwa inkamu. Mbuli Women's Art Craft Fair chalo cakatondezhiwa mu 2003 umu 2004. (Amubone-bumboni ku milimo)

Chishi ca Zambia chakavwumina kukubambwa kwa lubeta lwakumanya kasalululo ka bakaintu (CEDAW) mwaka wa 1985, pele nikuba bobo tacina kubonwa kucitika muchishi kushika mu 2004. Ndakatola muzeezo munganda yamilawo (Parliament) wakuti, imfwulumende ipandulule cakutemuka tulawo-lawo tuvwumina kunyanshilizha kwabakaintu, lwalo lubeta lwakavwumininwa mu ng'anda yamilawo (Parliament).

Kulazandwa cakufwambaana buvwuzha bakaintu mumungano na munkamu shaku bamba twaambo tulozha kusebeza. Chishi ca Zambia cakalyaaba na kulisungula kutobela chivwuminano cha Southern African Development Community (SADC) Gender Protocol. Kushinizha kubona kuti mweelwe wabakaintu mumbeta shibamba luvwumino lwabantu lwa makanze wasumpuka. Chechi tacheelele kumanina bulyo kutwaambo twankamu twabukale bwa chishi, pele kuti chikwatilizhe milimo ya mfwulumende ieezho ibambwa iinkamu shitali mu nfwulumende. (NGOS).

Governance

Chilembe cabubambe bwabweendelezhi bwachishi (constitution) nchicishiko ca mulawo wachishi alimwi bweendelezhi boonse ngubutalicila. Chilyeelele kushomezha kwakubotezha kwasheelele shabantu ukwaanguluka kushiyene

shiyene kwa bantu. Maanda mabotu, kulya, bukobekezhi bwa shabumi, minzhi mibotu, lwiiyo mbubwini bwashintu shasheeelo shabantu nshibanzanda mubumi na bukale.

Chishi ca Zambia cilisaniene umashi amwi ali muchivwuminano chileta bubotu mu shianza shasheeelo ubwaanguluashi bushiyene shiyene. Shimwi shili buli Millennium Development Goals (MDGS) chakalembwa mu 2000 ku United Nations (lukamantano lwa mashi oonse). Kulyaaba na kulisungula kulozha kubamba shimwi shizeezwa shili mubukanze bwamyaka ya 2015.

Makanze ali lusele (8) ngakuzhiminganya bupushi inzala. Kulozha kukwata lwiiyo lwabunji na lwabantu boonse, kusumpula bulangane bwabantu boose kutali kusala kuti wezu mulombwana na mukaintu. Ukupa insana shabulemu bakaintu, kuchesha imfwu shabana ukusumpula bumi kucita kuti, bantu bazhala babe ubumi bubotu-kulwisha HIV/AIDS, bulwazhi bwa mamwe umalwazhi amwi. Kubona kuti kuli bukale bwabusalazhi ulukamantano lwabulanjizhi bwalusumpuko inshi yaka kaleza yoonse.

Kuchita kuti kube lusumpuko lwachishi chakufwambaana mulukamantano lwiinicizha mubuvwubi, mwaka weno ndakatalika kubandika imfwulumende kushinizha kuti isungule ukuleta kubantu kwaswaangana kwa chishi ca Africa cakalembwa (SADC) (African Union/NEPAD buvwuminane bwa chipanzha ca 10% ca lubano lwachishi chesu chalo chizeezhiwa kuya kubulimi mwaka wa 2008, ukubumi chakazhibishiwa ca Abuja Declaration chipandulula 15% wachipanzha chalubono lwaabaulilwe cheelele kuya kuyovwa ku milimo yabushilishi.



BA MP NI BASWAYA CHIPATELA MWI BOMA LYA NAMWALA



BA MP BEEBELA MILIMO YA SHINTU SHAKATONDEZHIWA KU CRAFT FAIR



SHIMUNENGA 2005

BUZUNJI BUUTANZHI

BUBAMBE BWAMASENA USHIPANGA SHAKUSALILA MUNAMWALA 2002- 2005

Namwala Central

1. Namwala Boma
2. Maseele

Ngabo/Kaluweza

3. Ngabo
4. Tuunga
5. Inongwe
6. Kalundu

Baambwe

7. Kawilizhi
8. Baambwe
9. Chibunze

Maala

10. Shimayoba
11. Busangu
12. Maaka

Kantengwa

13. Shamukunchi
14. Shimukopola
15. Kantengwa

Kabulamwanda

16. Namusonde
17. Kabulamwanda
18. Nchole
19. Mamvu

Chitongo

20. Mandondo
21. Mangwele
22. Makotoolo
23. Mwaangwe

Nakamboma

24. Simanje
25. Makaba
26. Nakamboma
27. Katowa

Mbeza

28. Moomba
29. Nacuumba

Ndema

30. Masompe
31. Kazuni Kalila
32. Umbuzu
33. Ndema
34. Musemu

Namakube

35. Nkomba
36. Shamutiki
37. Itapa
38. Namayovwu
39. Tampwe
40. Namakube
41. Matebwele
42. Shamashikwe

Moobola

43. Shababwa
44. Kabwe
45. Masikili

Shibaka shipiya

- Mandondo
Itapa

MISWAANGANO YABUSENA BOONSE BWABA SAZHI 2002 - 2005

1. April u June 2002

Miswaangano ya muchishi cha mwaami Muchila, yatalika mu April 26 kushika mu 28, yakakwatilizha shibaka shototwe, Ndema, Moobola u Namakube. Kuvwa mu July 9-11 miswaangano muchishi cha mwaami Nalubamba, yakaba ku Mbeza, Nakambona ulimwi uchibaka cha Chitongo.

Masena aza akaba muchiwezhi chizumu. Chintu chimwi chakatongaukwa ubashichishi, nkulampa kwa mushinzo wabusena buli meenzhi, oonse akunwa bantu a shivwubwa aakusebezha mubulimi. Mumasena amwi, balimi bakatongauka ati, chila batolela mawola aashika kuli one ukubaala kutola ing'ombe kumasena akonzha kuyanwa meenzhi.

2. August, 2002

Miswaangano ili lusele yakachitwa mu shibaka shosanwa (wards) ku Namakube, Mbeza, Maala, Nakambona alimwi uku Kantengwa. Aza masena akaswaiwa kuvwa mu 18 kushika mu 25 August.

Kwakalombwa kuti kuyanwe kulya kuvwa ku World Food Programme ukuvwuzha kuzunjila kulya kupewa kuyovwa bapenzhi mapopwe.

Bantu bamuchishi cha mwaami Muchila bakalamba kutelaichilwa kupewa mikalo u shizhiba shameenzhi madamu, kaambo bakakwata buzumuzumu bwaku bula meenzhi akusebezha ushivubwa shabanyama.

Alimwi kwakazhibishiwa ati izhila ushikolo shinji shinji shilazanda kubichilwa muzeezo.

3. December 2002

Buzuba bwa December 7 muswaangano wakaba ku Namwala High School, kwalo kwakabungana bamaiyi ba Namwala High School uba Lubanga Shabongwe ubashimilimo ba mfwulumende. Kwakatongaukwa kubula shakweendela sha shikolo, kuntolongo, kucheya kwamaanda a ba mainyi alimwi ukubambulula kwamazache a shikolo.

Muswaangano wabantu boonse wakaba ku Ngabo wakakalwa ubami baminzhi (headmen) bashichishi, bamaiyi kuvwa ku Kalundu uku Kaluweza.

Kwakaba itongaushi lyakuti, kulya bwa chiholehole nkushoonto na kulacheya. Bamaiyi ubasebezhi ba council bakatongauka ati tabapewa kulya kwa chiholehole balaimwa.

Alimwi kwakatongaukwa ipenzhi lyakubula meenzhi ati lilyeelele kulanjishiwa.

4. May 2003

Miswaangano yakaba mu Namwala ngaali akati, ku Kabulamwaanda, Namakube, Mbeza alimwi uchibaka cha Baambwe.

Kutwaambo tunji tunji twakabandikwa kumuswaangano ku Nachumba, kwakaba akuyana chikolo busena bwa Nachumba ukaambo kamishinzo milamfwu bana njibeenda kushika kuyanwa chikolo-shimpanga chiloba ku shika kwifwuka 7-9

km. Kuzakwa kwachikolo kakatalichilwe kale. Bantu baka kobolola mabwe umusenga wakuzasha. Mali aashika ku K300,000 akapewa kuti ayovwe kumulimo wa kuleta shakuzasha.

Alimwi kwakatongaukwa ipenzhi lyameenzhi mumona umbusena bobu. Ushivwubwa shabanyama aakusebezha milimo imwi ukunwa. Kwakalombwa kuti bapewe mikalo yobile-na yotatwe. Alimwi ukubambulula kwe damu Iya - Hachilungu lyalo lizuminina chiindi chankosoko yavwula. Kwiina madipi a ngambe mubusena boonse.

Kwakazubululwa kuti ipenzhi lyakubula meenzhi mu chibaka cha Namakube bwakakomena. Kulomba kwakachitwa kwakuti kube mikalo minji minji ulimwi ukushiwa kwa shizhiba shameenzhi (madamu). Masena ashika kumakumi utatwe ubutweshwa bomvi (31) akazhibwa kuti ngaakubaazha kupenga - mukukatazha kwa meenzhi.

Bashichishi bakaamba ati kutatebula kabotu mubusena bobu kwakaba kaambo kakumuka kutambula imbuto. Alimwi kuti, kuuzhiwa kwa mapopwe kulyeelele kumana mumwezhi wa September.

Ku Namusonde inzala yakayanwa kuti nchintu chikando kwipenzhi lyabantu, ukaambo kachiwezhi chakatola ciindi maila mummyunda oonse akafwaambaana kushangwa akazuma. Ulimwi ukukumana kushangulula, kwiina chibotu chakayanika kaambo lelyo kwakaba meenzhi manji alo akachita kuti iyunda iilobele.

Mubusena mwalo muli mweelwe wabantu bashika kukubaala 1,500, kuli bulyo mukalo womwi wameenzhi uli achikolo cha Namusonde. Kulazamdwa mikalo imwi yobile. Kwakapewa K300,000 kuchita kuti iyovwe kubambya mapapi amukalo.

Inkamu ilanga milimo ya chikolo PTA yaka zhibya kuti bashichishi bayavwa buzumu zuma bwakulozha kuyana mali achipanzha chizandwa 15% kuchita kuti mulimo wakuzaka chikolo utalikwe. Shintu shimwi shakuzasha shakayanwa kale pele nshishoonto tashikonzha kumana mulimo. Mweelwe wamali ashika ku K1,000,000 akachitwa akuyovwa kususa shisebezho mbuli mabwe umusenga.

Chakazhibwa ati inzhila iya ku Maala teeli kabotu. Bantu bakalomba kuti inzhila ya Namusonde/Maala alimwi u Kabulamwaanda/Maala ibambululwe chakululamikwa imvula keetana kutanga.

Muswaangano wakachitwa kwa Muchila kwakaba bantu babaala ku 260, kwalo kwakayanwa ba mwaami Muchila, bashimizhi bakando bobile (headmen). Nkamu ya Namakube Management Committee Association u bantu bulyo bamwi. Bantu bakaamba ati butebuzhi kabutali kabotu. Busambale bwang'ombe abo bwakayanwa ati, kamuli makatazho. Alimwi kwakazhibishiwa ati bulwazhi bwa Denkete bwa kabuka muchishi cha mwaami Muchila ubobo ing'ombe shakafwa.

5. **October 2003**

Kuchilizhanya kwamiswaangano kwakachitwa mu Baambwe, ku Chibunze, Nakahundu, Itapa alimwi ukwa Ndema.

Muswaangano waku Baambwe wakabambilwa kaambo kakulanjisha inkamu ya Bakaintu (Women's club) chakazhibishiwa ati kwiina nikwatumwa mali a CDF

alo aayelee kuyovwa mulusumpuko lwabumi bwabantu ba mubusena bobu. Mali ashika K400,000 akapewa kunkamu yabakaintu.

Bana bakubushi bakalomba kupewa shisamwa shamusobano wampila (football jerseys) ulimwi impila.

Muswaangano wakachitwa ku-Chibunze walo gwakukatazha bweende chiindi cha mainza. Mulumbe wakulibungabunga kwabakaintu ukuchita milimo ileta lubono mukulipindauka wakakaokaizhiwa. Bulumbu bwa mali aashika ku K150,000 kwakachitwa kuyovwa kunkamu yabakaintu. Alimwi umweelwe wamali ashika K600,000 akachitwa kuyovwa kuyanwa shakusebezha kumulimo wachikolo chabashichishi (community school).

Kumuswaangano wakaba mu October 22 ku Nakahundu bantu bakatogauka ipenzhi lya meezhi. Mukalo womwi bulyo waakuli mubusena bobu koofwile. Ubobo kwakaba bu zumuzumi kaambo shivwubwa shabanyama ubantu bakashoma bulyo busena bomwi bwaakuyanwa meezhi. Ulimwi chakazubululwa kuti bantu kabazaka u chikolo busena bu zhiminina chishi cha Japan bakabapa mapepa akuti balombe mali akuzaka chipatela alimwi uchikolo.

Mbukwakaba kuti chikolo uchipatela shilazanda meenzhi. Ubobo makani a mukalo akayanwa kuba mazandishi ukulozha kuyana luyovwo. Mali aashika ku K230,000 akapewa ku mulimo wa nkamu yabakaintu (women's club).

Kwi Itapa mulimo wabashichishi wakuzaka chipatela chalo chakashika amatunjichilo wakaya kumbele. Busena bobu nibwakaswaiwa, mali asika ku K1,000,000 akapewa kuti ayovwe ku milimo wakususa shisebezho shakuzasha mbuli musenga u mabwe.

Kwakatondzhewa bupenzhi kumakani a mukwakwa wa Neiko/Itapa kuti ubambululwe kabotu ukushiwa kwe damu lya Ndema umikalo ili lusele (8 boreholes) yalo yata akusebeza checho chiindi. K300,000 wakapewa kumulimo wankamu - yabakaintu.

Muswaangano wa kwa Ndema wakabambilwa Ba shimabuka(headmen) pele ubantu bulyo ba mubusena bakabako. Bantu babusena bwa Ndema kabazanda kuzaka busena bwakushilichilwa (health centre). Shisebezho shakutalisha mulimo wakuzaka shakayanwa ati kulibuzumu zumu. Mali ashika ku K1,000,000 akalumbulwa kuti ayovwe kususa mabwe u musenga.

Kaambo kakubamba damu lya Ndema alimwi umikalo chisambomwi yataakusebeza kaka shinshimunwa. Mali ashika ku K300,000 akachitwa a kuti kuyovwe ku nkamu ya bakaintu.

6. December 2003

Kuchiindi cheechi miswaangano yakachitwa ku Chitongo, Makotoola uku Kabulamwaanda kuti kubandikwe twaambo twalusumpuko lwabakaintu mu milimo yatukamu twabo. Inkamu shotatwe (3) sha bakaintu shakayanwako ku muswaangano waku Chitongo. Bulumbu bwa K300,000 bwakapewa. Ku Makotoolo, tukamu tobile twakapewa iimwi K200,000.

Muswaangano waku Mamvu wiinakuba nkaambo kamilumbe yatacheenziwa kabotu.

7. September 2004

Kuchilizhanya kwa miswaangano kwakachitwa mu Mbeza kumuswaangano wakaba ku Nacuumba Basic School, bantu bakaamba mapenzhi abo kuvwa kukubula kwa meenzhi antoomwi ukubula mwiiyi ubicilwe kuchikolo.

Muswaangano wakachitilwa kuchikolo cha Moomba, kwakatongaukwa mapenzhi aakuvwula kwabashikoswe balo bakazonaula shishango mummyuunda. Kwakaba kulomba kwakuti bezhiba chitola busena kuli ba ZAMSIF kwalo bashichishi kubakakumbila kuyovwiwa kwakuli chikolo chibambululuwe ukululamikwa.

Kumuswaangano wakachitwa ku Simanje School kwakakumbilwa buyovwi bwakuti bantu balozhe kuchimanizha chikolo nchibaakuzaka. Mweelwe wa K500,000 wakalumbulwa.

Kuchiiindi checho nchichona chikolo nchibakazaka bantu kwa Nchole kwakapewa mabuka, impesulu ubachoko kuvwa kuli ba Community Schools Secretariat. Shikolo shimwi shakapewa kuyovwiwa kakuli; Nacuumba u Chilala.

Muswaangano wakachitwa ku Makaba School, bantu bakatongauka kutatebula kabotu ukaambo kakutayana kuyovwiwa kuwelela shizandwa. Alimwi kwakatongaukwa kwaandauka kwedamu lyalo bulyo lyomwi lili mubusena bobu. Kulilauka kwakulomba buyovwi bwaba mukabafwu ulimwi ubana bamushaala kwakaba. Inkamu ya Maseele Widow's Club yakatambula K250,000 alo akalumbulwa.

8. May 2005

Muswaangano wakachitwa u Kabulamwaanda. Kwakaba matongaushi a malwazhi ang'ombe ulimwi u muulo wa kuzholelwa ngombe kuli babo bakafwilwa ing'ombe kumalwazhi. Nikuba kuti mweelwe wang'ombe shinji shakashilikwa kukobeelwa malwazhi mubusena bwa Namwala. Bantu bakaamba ati ing'ombe shakashaala shatacashilikwa na kukobalelwa, shilyeelele asho shishilikwe. Muswaangano wezu kwakaba bantu baitilila ku 260.

9. June 2005

Muswaangano wakaba ku Shamashikwe Basic School itongaushi ikando lyakaba lya kucheya kwameenzhi. Mukalo omwi bulyo ngubaakuteka bantu babaala ku 2000 shuulu shobile. Kuchiiindi nchichona checho mukalo koofwiile. Mali abaala ku K2,000,000 kaazandwa kukuyovwa kubambya mukalo chakufwambaana. Kuvwa ku CDF mali apewa kukusumpula masena, mali aza akayana alimwi ushakubambya mukalo shakaulwa umukalo wakalulama ukusebezhewa.

10. August 2005

Kubusena bwa chikolo cha Mamvu bantu kabapacheshe kuzaka ing'anda yachilkolo yakwiiyla ubobo bakumbila kuyovwiwa shintu shakuzasha. Ba zhiminizhi ba mung'anda ya milawo bakaambila bashichishi ati batume kulomba kwabo ku nkamu ilanga CDF. Alimwi kakuli iipenzhi lya kubula meezhi.

11. October 2005

Kwakaba kuchilizhanya kwa miswaangano mu October mwezhi wa kasanga bimbe.

Kumuswaangano wakachitwa ku Nkomba ku chikolo, bantu bakatongauka kucheya kwachilyo cha chiholehole chipewa bapenzhi. Alimwi kakuzandwa kuzakwa busena bwakuzobolela nakubichila shintu shizandishi. Alimwi iipenzhi lya meenzhi lyakabandichishiwa. Ubobo kwakakulomba kwakulitakala kwakuti Ba MP bababoyovwe kuti kube mikalo imwi.

Kuchikolo cha Kabwe muchishi cha Mwami Muchila matongaushi akubula mikalo alimwi uchilyo chakuyovwa bapenzhi shakabandikwa.

Muswaangano wakubusena bwabazezhi ku-chibunze bantu bakatongauka ati kumali aapewa kusumpula masena abantu bazela CDF balo baina uchaabilo nchibakapewa. Lehishoezho chakuti itongaushi leli lilalangwa chakachilwa. Kumamanino mali akatambulwa.

12. December 2005

Busena bwe Ichila bwakaswaiwa u Ba MP mu 1 December. Ba MP bakaswaya ukulingula balwazhi ku chipatela cha Namwala chili a Boma. Shilyo umilola shakapewa kubalwazhi babo baakoona mu chipatela.

BUZUNJI BWATATU

MALI AMWI AKALUMBULWA UBASALE BANG'ANDA YAMILWO MP 2002-2006

Shikolo

BAKATAMBULA CHAABILO	MWEELWE
Ngabo Primary School	1,000,000
Maala teachers' houses	1,000,000
Namusonde School	1,000,000
Namwala High School	1,000,000
Lubanga Shabongwe School, Namwala	1,000,000
Kantengwa School	1,000,000
Nacuumba Comm. Sch.	600,000
Chibunze Comm. School	500,000
Baambwe Basic School	500,000
Simanje School	500,000
Moomba School, Mbeza	500,000
Naminwe Comm. Sch.	450,000
Ichila School	300,000
Kabwe School	300,000
Nkomba School	300,000
Chibunze School	250,000
Shimukopola Comm. Sch.	200,000
Mandongo School	200,000
Kalundu School	200,000
Mamvu School	200,000
	11,000,000

Masena Abushili

BAKATAMBULA BULUMBU-CHAABILO	MWEELWE
Namwala District Hospital	12,000,000
Maala Clinic	1,200,000
Ndema Clinic	1,000,000
Itapa Clinic	1,000,000
Kabwe Health Center (iron sheets)	600,000
Kawilizhi Clinic	500,000
Makuzu Community Clinic	90,000
	16,390,000

Tukamu twabakaintu

BAKATAMBULA BULUMBU	MWEELWE
Maala Women's Club	650,000
Namakube Women's Club	600,000
Moboola Women's Club	400,000
Baambwe Women's Club	400,000
Itapa Womens's Club	300,000
Ndema Women's Club	300,000
Kabulamwanda Women's Club	300,000
Kaundu Women's Club	300,000
Chibunze Womens' Clubs	250,000
Maseele Widow's Club	250,000
Nkomba Women's Club	250,000
Nakahundu Womens' Clubs	230,000
Makotolo Women's Club	200,000
Mwaangwe Zone 1 Club	200,000
Kabwe Women's Club	200,000
Namusonde Women's Club	200,000
Chibunze Women's Club	200,000
	5,230,000

Shisobano

BAKATAMBULA BULUMBU	MWEELWE
Namwala High School Provincial Annual Tournament (4 years)	12,000,000
Namakube Ward Football Club	1,500,000
Moobola Sports Club	1,000,000
Ndema Sports Club	700,000
Old Madaalas Game, Maala	500,000
Independence Memorial Maala	500,000
Lozis v. Tongas game	400,000
Namwala Football Club	350,000
District Amateur Football Club	340,000
Baambwe Football Club	200,000
	17,490,000

Mulumbu amwi amalai

BAKATMBULA BULUMBU	MWEELWE
60 Church choir uniforms (Busangu, Chitumbi, Maala)	6,480,000
CASAT	4,600,000
Donated rice transport	3,600,000
Craft Fair (mayaka yobile)	2,100,000
60 hymn books	600,000
Baambwe Ward Councillor - project	500,000
Maala Area Development Committee	500,000
Tuunga borehole (parts)	350,000
Shimusako (Namusonde borehole)	300,000
Moobola Area Development Committee	300,000
Shimashikwe community	200,000
Chibunze Independence Day Celebrations	50,000
Law Development Association Seminar	50,000
1 computer - Ila Bible Translation Project	
	19,630,000

Mweelwe wa 2002 - 2005**= K 69,740,000**

KWAAMBA KUTAANZHI KWABASALE BALEMEKWA BA OMPIE NKUMBULA-LIEBENTHAL MP KUCHIPANZHA CHAKUTAANGUNA KWANGANDA YAMILAWO, FEBRUARY 27TH 2002.

Ba Speaker, kutaanguna inumbe Bantu ba Namwala mbubakansala kubazhiminina muganda yezhi yabulemu.

Ba Speaker, indikamantanye kuli bamwi balemekwa balumba ba solozhi bachishi mukwaamba kwabo kwalo kwaba afwaafwe ukuzeeza kwesu uswe nituli kono kuluyu lwang'anda kwaciindi cilamfwu. Kumyaka ili makumi otatwe yamana mono mu Zambia kwaba kuvwililila kwatwaambo twacishi munzhila yakulilumba kubaala lusumpuko ubululami bwabweedelezhi bwabuvwubi. Mu 1980 lubono lwaakuyanwa kalushika ku US \$630. Mu mwaka wa 2000 lwakaya anshi kushika ku US \$300. Kubika u HIV/AIDS shalo shazonaula bukale kubaala kucipanzha ca 20% shitondezho shabusanganwa muchishi cesu shalanga kubuzonaushi cakuti, ukulanjilwa kwaboongoshu kwafwiimpa kuvwa mu myaka makumi usanwe utwashaomwi (51) mu 1980 kuya kweela bulyo 38 –makumi otatwe umyaka lusele mu 2000. Bunji bwasheshi shacitika ukaambo kamyuulo yamukuba itali kabotu kucilizha ubulezhi bwabuzonaushi bwaciindi caka Chiluba. Chimwi ciindi cilalanjika ukoya chishi ca Zambia kacili mumuzundano wakutondezha butaka bwancico kububambi bwabuvwubi bwa cishi kubaala luundu loonse – ukoya kwiina kukasha kuzonauka kwabukale bululeme cakuya kushika kukubalilwa kunungo yatatu kuvwa kunshi mubumpelenje umunzhila yabumi bwamakulo.

Ba Speaker, kubupenzhi bwesu kuliswaanjene ubupenzhi bwa KCM. Bamwi balanjilila bulyo balachizeeza ati kuvwa mu Zambia kwa - Anglo American Corporation mu KCM ndikatazho ibiyabishi kuvwa kuciindi bakuwa nibakalipa lwaanguluku mu 1965 mu Zimbabwe UDI. Nikuba bobo twiina ukaambo kakulangalanga ipenzhi nikuba mubukanze bwabwaabi bwalubono lwachishi (Budget) mali aavwa mumashi amwi ubusumpuche bwabusebezhi ushimwi.

Ba President batwaambila ati, inkamu yapewa insana shakulanga mwipenzhi leli yashiticizhiwa kwaamba ipe kulailila. Pele mono mugannda kwazhibishiwa bulyo makani aina buyovwi bwiniwini. Ndashoma ati makani aza alalulamikwa cakufwambaana ukwaambilizhiwa uulanga cipanzha ceci kuzhiminina imfwulumende, ubobo tulaba ubulanjizhi bwakwizhiba cizhiza kuvwa kumfwulumende mukaambo kaka.

Ba Speaker, ndazanda ninzho kwaamba abweedelezhi bubotu. hilazumyazumya kuteelela Ba President kwaamba mbuchili cintu cibotu kubanza buvwushi bwachishi mubweendelezhi bululeme ubukanze bwakumanya bumpelenje bwa makulo. Ba President tulabapa buyovwi na balilibambilile kuchita chintu chiyovwa bukanze bobu. Chili kuli Ba President lwabo kutondezha kusumpuka, ubobo ndatalika kupa mzeezo ikonza, uyovwa bashinsana shamulawo intaamo shakuchita makanze abo.

1. Chipanzha chamali cheendelezhiwa ukusebezhiwa kuluzando lwa ba President chimane na chilekwe kaambo tachiyovwa chitabulyo kumakulo alimwi, mali aza aina mbwatondezhewa nchaasebeza.

Kuli masena manjimanji azanda na aayelee kutelaichilwa katalichila kukubula muzeezo wakululamika bubambe bwa milawo.

1. Tulyeelele kuyona chiindi chakutelaika kupa mizeezo yakubamba milawo mipiya. Bashinkamu (members) tabalozha kulanjilwa kusala mubululami kumuzeezo wamulawo buzuba mbumona mbuwaletwa ku ng'anda ya milawo mbuli mbuchakachitika chiindi chakamana chakukala kwanganda yamilawo. Chechi chakachitika kwaambisha lyaakubandikwa kubamba mulawo wa bubambe bwalubono lwachishi (Budget Bill) walo wakweelele kulangwa langwa munzhila yabululami isalala.
2. Kulembululwa na kuleta mulawo munzhila iteeleleka kuchilizha insana shisenjelezha shakachitwa uba Minister ukulembwa bumulawo kakwiina ukubandikwa munganda yamiliawo. Chechi chilabuzha insana ing'anda yamilawo ubobo tachilozha kulekwa kutalanjishiwa pe.
3. Myaka yoonse tukamu (committees) twa mung'anda yamilawo mbuli kakamu kalanga busebezhi bwamali achishi balapa malailile aayelee kuchitwa kubulelo kucilizha ubumboni bupewa ubavwuzhi bakando balubono lwa chishi (Auditor General) shalo nshakulanga bulyo kubumbililwa bulyo lufwuko kwiina umbushichitwa. Mizeezo yakusubula bubi buli bolya ilyeele kushinichizhiwa.
4. Kulyeelele kusandulwa kwanzhila ubukale bwanganda yamilawo ilyeelele kukwata insana shamulawo mbuli mbwiiyelele kuswaangana kuchilizha kulomba kwabazhimirizi MPs bankamu iwumumininwa kuchitabobo, munzhila yezho, chilayovwa kubona kuti insana shabweedezi tashelile kubaala mulawo.
5. Kulembwa kwansana shamulawo ubika buzuba bwakusala kwabantu boonse muchishi kulayovwa kukasha lupyopyongano mbuli mbuchakaba ku chiindi chakusala kwa 2001. Inkamu iyendelezha kusala Electoral Commission ilaakwizhi ukukwata chiindi chibotu chakulipakashizha kusala. Ulimwi chilapa chiindi chibotu ku nkamu shandeene kulibambila.
6. Insana shamulezhi (president) shakusala Bantu mbaazanda mwimi kuba ba mung'anda yamilawo MPs shilyeelele kumana. Achiindi nchichona President ulakozha kusala beelwe kuba munkamu ilailila imfwulumende (Cabinet) kubweendelezhi. Pele na wanomana wasala, baba basalwa na kunomwa tabeelele kukwata insane shakuvwoota na kusala.
7. Ee, no bavwootela anzhi? Nguni ngubazhimirini batakasalwa ubantu?
8. Tukamu twamunganda yamilawo (parliamentary committees) tulyeelele kupewa insana shakulozha kuyana shiyovwa kwaanguluka mukukapula makani na lwizhibo twabumboni alimwi uciindi chibotu chakutelaika twaambo tweelele.
9. Inzhila ibambilwe yakusala ba President ilikwete kampenda kayo. Kuvwuminina inkamu inshoonto yabantu bamuchishi basala, iina buyovwi bwimibwini ubobo chachita kuti kuukuba imfwulumende itavwumininwa banjibanji bachishi. Kulanga mweelwe wabo bazanda kuba Ba President, cilazanda kuchitwa canzhila yakusala kwakubweelele.
10. Kubambulula kulyeelele kuchitwa kwakululamika milawo yakusala. Bube bwankamu (Commission) insana sheleele kucitululwa kucita kuti kukwate

luzando twashipanzha shabweendelezhi bwaandeene. Electoral commission cipanzha cheelele kweendelezhiwa na kupa bumboni bwamilimo yayo ku Parliament.

11. Kulibombya kwabushomeshi kulyeelele kuba kwamulawo mukando wachishi. Umusolozhi wachishi nkwayelele kukamantana. Ukupinga kwachishomezho chabushichishi chilyeelele kuba kupa Constitution bulemu umusolozhi wachishi walo mulinguwe mumshiticizhiwe bulemu bwachishi kubaazha shimwi shoonse shachishi. Kusandula kwakutondezha bushomeshi kulyeelele kuba kwaboonse basebezhi bachishi.

Ba Speaker, ninzho ndazanda kubandika kaambo kabeendelezhi ba mabboma na inkambe (District Administrators). Chintu cini calo cikando capilinganya makani alusumpuko, chili umbusebezhi bwa District Administrator. Buzubuchile bwa chiyanza chechi chendelezhiwa umulezhi wachishi iche President chazinganya bukanze ubulanjizhi bwa lusumpuko ushimwi sheelelo. Chechi chiyanza na bushumulimo bobu bulyeelele kumana kaambo chaleta bulyo bumpelenje bwaluchengo mutwaambo twachishi mbukuli kuti bushaafwuma kumwami njiinzhila bulyo isebezhiwa ubabo basalwa. Takuli bulyo bobo baba basebezhi DA mbasangaunzhi balubono luzandishi ulimwi bashinchila lusumbuko bweendelezhi bubotu kaambo balitwika mukuli wama District Councils.

Ndapakulumbainzha kumuzeezo wa Ba President wakubika mawopesi muma constituency kuyovwa ba MP kuti baakulozha kukamantana ubantu mbubazhiminina. Ubobo nakube kuti chipanzha chamali akuyovwa kuyana muntu muyovwi abe ambali kuba MP.

Kunyansha na kutabicila maanu kubakaintu ubana bakubushi chintu chimwi chipenzha. Baba Bantu na nkamu sheshi shilacita chipanzha chamweelwe wabantu pele shintu shibeelele tashitelaichilwa.

Banokwesu balalela banesu ukulanga shamumyuunda kukwata twizhibo, ubumi bubotu ukuba bakaintu baliknkonzhinzha chilasumula bukale bubotu. Kanji kanji, kasalululo kabakaintu balo bakwete chiminwa bupushi kwalo kuzubikwa mu tanshiyanshya ushiyanza shibuntu. Kukobelela bubu bobu, kulyeele kuchitululwa kwa milawo uliwo. Kusumpula lwiyo lwa bana bashimbi intaamo munzhila iluleme kukusumpukulasha mapenzhi.

Ba Speaker, inzho ndazanda kulanga kuchipanzha nchinzhiminina cha Namwala. Ba Speaker, inkambe ya Namwala kukozyanya umasena amwi aachishi cha Zambia muli bantu 80% bapenzhi na bapushi bamwi banji nkubali balinjila anshi ipenzhi lya bupushi. Imfwu shabana shinjishinji. Twiina uchi-kozhanyiwa na chilamya kweelezha kuti na malwazhi a HIV/AIDS ashichile aaliye mbukwiina ushakuzubuuzha na kushimpilila kubona mumasena oonse akushilichilwa. Milimo yakulanga momi abantu alyeelele kuyanika ukukonzhela kuli boonse.

Ku Namwala kuli Bantu bazungwa ku mweelwe wa 90,000 shuulu makumi ifwuka uchipatela chomwinana umu shilishi ujijile mowi (doctor). Chipatela chiina munchini uli insna shamulilo-ukumnzha busebezhiwa ushibulo shakusebezha mukufwutula bumi na momi abantu mushiindi nikubula magesi. Motoka

wakubwezela balwazhi wo chakaba chisenjele toosebezi ukabotu mushiindi shinjishinji.

Kuli bubula kwashintu shizandishi balwazhi kubatola buchipatela cha ku Macha mission mbuli malwazhi aakwaandulwa. Kuli masena mashoonto aku shilichilwa mushimpanga shoonse (wards) pele nikuba bobo masena asebeza mashoonto. Basebezhi mbashoonto alimwi ukubula maanda akukala basebezhi ukuyana ati ayo imbelechelo yamuminzhi teebotezha shintu shipa kuti bumi malwazhi ayanwa kuvwa mumeenzhi. Meenzhi aaina malwazhi alazandwa kumasena abantu manji manji.

Bupushi tabulozha kucheya kwaakwiina buponi, lwizhibo, umeenzhi aina malwazhi ushikobelezho shabuponi. Mu Namwala District chintu chikando chilola anshi buponi mbulwazhi buletwa ukukulumwamamwe chalo lyoonse chiyabulyo kumbele. Ubobo inkamu yabashimulimo wabushilishi balyeele kulumbwa mbubakachita mulimo wakamanina 100% mukukobelela bana kumalwazhi aza. Pele kumatalichilo ndaamba ali mbuli HIV/AIDS kwiina chitondesho na cheesho chakwizhibya mbubutene achiindi cheno.

HIV/AIDS ulabika toonse lubasozhi muchiindi chakulibilika mbukuli kuti chita bulyo mukulilemeka mutu konzha kumanya chechi chitu lwisha. Atuungumane muchintu chechi. Kufwumbwa kuti balombwana balashoma ati balakonzha kutanga bakaintu banji ulimwi ukusebezha mipila ya kulikobelela (condom) kwabula kukobelelwa ubashimulimo wabushilishi, leli izhalane lyesu lilamanwa umwiika wezu. Ndashoma ati basozhi basozhi bachishi aswe toonse ituli mono mung'anda tulakwaamba a miya yezhi mumasena mutwakasalwa.

Weno mwaka mu Namwala twezhiilwa ipenzhi lya malweza ukaambo kakutatebula kabotu mwaka wakamana, alimwi ukutawa kabotu kwavulwa weno mwaka. Myuulo yabufwu yashika kale amafwilo abantu – cheno chiindi nchitwashika kukasemuna ubobo kulanjika chivwo.... Kwamuvwa umunzhila. Ncinicini busena bulikwete busumpuche. Mbukuli kuti mweelwe wa ngombe watondezha kuya anshi cakushika ku 94,000 kumyaka yeno ukaambo kamalwazhi ang'ombe. Kwakasambalwa ingombe shibaala kumweelwe wa 6,000 mu 2001 umweelwe wa mali aazeezhiwa ku K2 billion (chitabalka). Mweelwe uzhibwe wamakwebo answi ushika ku K30 million, alimwi bulizhibilwe mukusambala mapowpe, butonje umalangazuba kumasena aamwi.

Ndalibuzha ndimwini kaambozhi busena na inkambe ilozha kulicitila chiina lubono. Ndizhi ati mali amfwulumende ali patizhile ukaambo kanzhila shabumpelenje ukutasebeza kabotu kwa mfwulumende ya MMD yaka mana yalo yaakusowa mali ashika ku US\$ 30 million a mwezhi omwi alimwi ukumukakusambala mikoti cabuyazazhi. Ndikwete bumboni busalala muli aza.

Ba Speaker, chishi coonse tulateelela abukanze bwakuchesha bupushi (PRSP) calo cibicilwe bukuti cibe ceelesho cesu cakuchesha chikwelete kumashi abwenwe kuti aina buzozelo ukaambo kashikwelete (HIPC). Pele bukanze kaambo kaka bwiina nibwachezhibishiwa munganda yeno ubobo muzeezo wangu ngwakuti kubikwe ciindi cakubandika kaambo (PRSP) kutobela inzhila mubandi wa budget na kwaambilizha kwa Minister ulanga chipanzha chechi. Mbukwiina lwizhibo lwabupushi na kubula kwachishi coonse umunkambe

shoonse twebula inzhila iluleme yakuti tulozhe kumanya ipenzhi leli lya bupushi ataati twaluba amulomo twabika mwinango.

Ba Speaker, tulizhi ati kulaba kutawa kabotu kwamvwula aachindi comwi lyoonse kwaita myaka yosanwe naikumi mu Zambia umashi amwi atuzhinguucile. No kaambonzhi nciwiina inzhila ibambilwe yakulikobelela kulwizhibo lwachechi? Ndatelaika kubika muzeezo ukonzha kuba ulondolocéle kubaazha chishimuzho cachiindi cilamfwu cabuli mbwiiyelele kulanjilwa imvwula kucita kuti, kulibambilwe cakulya cheelezhiwa kuti chilashika kumafwutucilo abantu.

Ba Speaker, kulimunzhila yakusumpula inchimino kulazanda kuchilamikwa. Shakubika ansi mbuli imbuto chitunzha (fertilizer) shilyeelele kashibambilwe kale. Kutyelele kakuli chishomezho cakusambala shilimwa citalimbuli chicitika cabusambazhi bwanbantu bulyo bwiina lukamantano.

Kuli kwakuti insanoono shibukulushiwe (cooperatives) mbukuli kuti shilapa camba balimi kaambo balaakwizhi nkubeelele kutola na kuya alimwi umyuulo teeshinshaikwa. Ambweni tatulozha kupa cikalika myozo balimi, pele atukwate itelaishi litatulebi kuti lizumye balimi inzhila yomwi inguba iluleme kusebezha kulesha bupushi mubusena bwa Namwala nja kusumula mikwakwa isoanganya mukusumpuka kwabweende. Imwi mikwakwa mbwiyakabambilwa muchiindi cabulelo bwa Ba Kaunda.

Yalo ilanjilwa bulyo ati ambweni ilakabambwa cashika ciindi cakusala.

Kulwiiyo lwizhibo lwaakati nceelelo camuna Zambia uli oonse. Boonse balyeelele baluyana ukulupewa kwiina muucho kuyakushika ku grade 12 kutali bulyo ku Grade 7 mbuli mbuca akwaambilwe uba President. Lwiiyo lwakwizhiba kubala ukulemba njiizhila itola chishi kulusumpuko.

Ba Speaker, ndakakwata choolwe chakuzhima ambalimbali uBataata Harry Mwaanga Nkumbula akati kababsolozhi bamashi amwi akalilela bobo buzuba; indembela yachishi cha Zambia niyakauluka mu 24th October, 1964.

Ba Speaker, twaba bakamboni bakubona busanchuche twa twaambo twachishi cha Zambia kuvwa ku Chilenje kuya kung'anda yamfulumende yachishi, kuvwa kubweendelezhi bwamatalichilo kuya kuManda Hill tuchizhingashile chaakuzeezwa ubulyaabe bwaba matata bakachaanza ubuchibona mbuli mbuchakulozheka – ukwesu uswe nitubunjene mono mung'anda yabulemu. Naakuli kuti tulishomechele ukubana Zambia mwinimwini. Zambia wiina bupushi, Zambia muli bumi bubotu ulwizhibo, mwalo bantu mukacheenda ukulungumana chakulisumpula, chini chini, kusukama kwesu nkwabulemu, alimwi kulyeelele kuya kumbele umilimo.

Sa takuli kuti tubasale bamung'anda ya milawo mbuli mbubakachizanda bantu kuti tweendelezhe chishi chichi kube buli mbukweele kubaanzha kuba bulyo baxhaamba mulomo pele chichitika kwiina?

Ba Speaker, ndalumba.

Mwami leza aatulonjezhe toonse alimwi alonjezhe u Zambia.